

يا دهر خذُ بعدُ ... ما ظل في دلالي صبر
ما بگی لي جلدُ ... مـچتوفة بيدين الشمر

أهتف يردُ سُوالي بلهيب الصدى
خوتي فوگ العوالي واني مگيده

يا دهر آه فارگت إخواني وحزام الظهر فوگ الثرى
أبچي ويلاه واني عـ الناگة الهزيلة وشـ كثر متحيره
الشـ كوى لله شلون - تيجان المعالي - بلا غسل متعفره
وعگلي من تاه صيرتُ أتمنى أذب روعي ولا أبگی اميسره

يا دهر شـ بگی وما شفته من سـهم وجرح
عيني سـاع الأسى رواتني لـخظات الذبح

وخوفي تگسي الليالي وتجور العدا
خوتي فوگ العوالي واني مگيده

أمّ لخدوز شلون تركب عالهيلاه أمّـچتته بگيد المحن
لا غطي وكوز والشمس تصهرها تطلع من وطن وتطب وطن
چقي مأسوز حزمة وخدي أمضية وعليه كاسي يا زمن
ويظن عاشوز غصة في حلقه أبد ما ينسى (وساس الفتن)

بعد أخوتي زجر يمسهك حسافه محملي
وينه حامي الخدر.... يرضى العقيله تنولي

ما بگت من غوالي الخلك تحسده
خوتي فوك العوالي واني مگيده

تگسی ویاي وتدری آني مدللۀ حیدر علی حامی النجف
وآني دنیانی ما لگت عد غیره عطف ولا ملاذ ولا کھف
تالی یمنای تَنجِيفَ والدّم من أجروحي علی السّاعد نَزَفَ
ضایع الرّای (تستر کل الغواني وتتسبی أهل الشّرّف)

عیلتی معذّبہ وصابتنی أسہام الحچی
خارجیة بسبا وبلا عشیرہ تتچی

شوفوا صفوة رجالي لیوٹ الفدا
خوتي فوگ العوالي وانی مگیدہ

كوفية الشوم وتدي بحساس (الأميرة) لَمَّا تدخل عالهل
يا دهر گوم عاين أهل الكوفة صارت عن نظرنا ما تمل
أدري ميشوم طبعك ويمكن تحن - لو دمه بس منك تهل-!؟
وأدري اللوم ما يفيدك لو في كوثر حيدرة - هم- تغتسل

خطبتي واضحه وبچفي راية كافلي
للقيم شارحه ومعروفه أنا بت علي

راسي - ما طخه - عالي منارة فدا
خوتي فوك العوالي واني مكيده

وجينا شامات -ربي يحفظ عيلتي- دعواتي صارت تلَهَجَه
(أَبَابُ سَاعَات) صرّت في حيرة الضعن لاوين تالي مخرَجَه
حولِي لَمَّات والحِچِّي كلب الغيور يمرمره ويأجَجَه
جفني دمعات وانظر الناس إعلی أهلي شامته ومتفرَّجَه

تالي ابمجلسه أدخل اسيره بعيلتي
گيدي أتَحَسَّسه وتداري چفي دمعتي

واکفة بكل جلاي (ولا اتوَدَّه)

خوتي فوگ العوالي واني مگيده